



Broj: 14-11-4-19135-11/20
Zenica, 31.12.2020.godine

Na osnovu člana 70. i člana 89. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-19135-10/20 od 31.12.2020. godine, u postupku javne nabavke „Nabavka, isporuka i instalacija desktop računara za potrebe organa uprave Zeničko-dobojskog kantona“, direktor Službe za zajedničke poslove Zeničko-dobojskog kantona, donosi:

O D L U K U **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-11-4-19135-10/20 od 31.12.2020. godine i ugovor za „Nabavku, isporuku i instalaciju desktop računara za potrebe organa uprave Zeničko-dobojskog kantona“, dodjeljuje se ponuđaču: ITD d.o.o. Sarajevo, kao najbolje ocijenjenom ponuđaču, sa cijenom od 25.174,80 KM bez PDV-a.
2. Ponuđač kojem se dodjeljuje ugovor dužan je dostaviti dokumente iz člana 45., 46. i 47. navedene u tački 3.1., 3.2. i 3.3. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
Ukoliko ponuđač u navedenom roku ne dostavi tražene dokumente, prijedlog ugovora će se dostaviti onom ponuđaču čija je ponuda po rang-listi odmah nakon ponude najuspješnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavka, isporuka i instalacija desktop računara za potrebe organa uprave Zeničko-dobojskog kantona“ pokrenut je donošenjem Odluke o pokretanju postupka broj: 14-11-4-19135/20 od 10.12.2020. godine.

Javna nabavka je provedena po konkurentskog zahtjeva za dostavu ponuda sa predviđenim provođenjem postupka e-aukcije putem Informacionog sistema e-Nabavke. Procijenjena vrijednost nabavke je 25.641,02 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 11.12.2020. godine, objavljena je tenderska dokumentacija na portalu e-Nabavke istovremeno sa objavom Obavještenja o nabavci, pod brojem: 771-7-1-40-3-25/20.

Ponude su blagovremeno dostavili sljedeći ponuđači: DIGITARIJA d.o.o. Sarajevo, EMADO d.o.o. Sarajevo, GOG d.o.o. Zenica, ITD d.o.o. Sarajevo i IMTEC d.o.o. Sarajevo.

Nakon pregleda ponuda naprijed navedenih ponuđača, Komisija je u Zapisniku, broj 14-11-4-19135-10/20 od 31.12.2020.godine konstatovala sljedeće:

- Odbacuje se ponuda GOG d.o.o. Zenica iz sljedećih razloga:

- Ponuđač nije popunio Obrazac za cijenu ponude za sve stavke sadržane u Obrascu, i to u koloni "Naziv ponuđenog artikla, Naziv proizvođača, Zemlja porijekla ponuđenog artikla", što nije u skladu sa tačkama 4.1. i 4.4. Tenderske dokumentacije. U konkretnom, ponuđač nije naveo tačan naziv ponuđenog artikla, te iz tog razloga ponuda navedenog ponuđača nije mogla biti ocijenjena u smislu ispunjavanja tehničke specifikacije. Ponuđač je naveo naziv artikla „DELL OPTIPLEX“ što je nepotpun naziv jer nije naveden tačan model desktop računara iz serije Optiplex proizvođača Dell.
- Ponuđač nije u Nacrt ugovora unio podatke iz svoje ponude, što nije u skladu sa tačkama 4.1. i 5.4. tenderske dokumentacije. Naime ponuđač je propustio da u članu 1. i članu 2. Nacrta ugovora popuni podatke iz svoje ponude.
- Ponuđač nije izvršio ispravke u ponudi u skladu sa članom 18. stav 1. tačka (m) Uputstva za pripremu modela tenderske dokumentacije, konkretno u donjem desnom dijelu stranica 2, 3, 4, 8, 9, 10, 11, 12, 13 i 14, vršio ispravke korektorom na način da iste nisu vidljive, niti su potvrđene potpisom i datumom ispravke.

Imajući u vidu naprijed navedeno ponuda ponuđača GOG d.o.o. Zenica odbacuju se u skladu sa članom 68. stav (4) tačka i) Zakona o javnim nabavkama jer ista ne ispunjava zahtjeve iz tenderske dokumentacije.

Nakon izvršene evaluacije ponuda - izvršenog pregleda i ocjena ponuda, izvršen je unos prihvatljivih ponuda u Informacioni sistem e-Nabavke –Portal Javnih nabavki BiH. E-aukcija je održana 31.12.2020. godine sa početkom u 09 sati i 30 minuta i okončana je u 09 sati i 45 minuta.

Početna rang lista ponuđača koji su pozvani da učestvuju u e-Aukciji je sljedeća:

Naziv ponuđača	Početna cijena u KM bez PDV-a	Rang
EMADO d.o.o. Sarajevo	25.200,00	1
ITD d.o.o. Sarajevo	25.599,00	2
IMTEC d.o.o. Sarajevo	25.620,00	3
DIGITARIJA d.o.o. Sarajevo	25.641,00	4

Nakon uspješno okončane e-Aukcije, a na osnovu Izvještaja o toku i završetku e-Aukcije sačinjena je Rang lista ponuđača:

Naziv i sjedište ponuđača	Konačna cijena u KM bez PDV-a	Rang
ITD d.o.o. Sarajevo	25.174,80	1
EMADO d.o.o. Sarajevo	25.200,00	2
IMTEC d.o.o. Sarajevo	25.620,00	3
DIGITARIJA d.o.o. Sarajevo	25.641,00	4

U skladu sa navedenim, Komisija je dala preporuku ugovornom organu za donošenje odluke o izboru ponuđača ITD d.o.o. Sarajevo, kao najpovoljnijeg ponuđača za predmetnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

Na osnovu svega navedenog, donesena je odluka kao i dispozitivu.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 5x Ponuđači
1x tenderska dokumentacija

DIREKTOR

Miralem Redić

